

元

史

志卷第二十八

元史七十八

翰林學士大夫知制誥兼修國史宋濂  
翰林待制承直郎兼國史院編修官臣王禕等奉

勅修

輿服一

儀衛附

若稽往古黃帝堯舜垂衣裳而天下治蓋取諸乾坤  
服牛乘馬引重致遠蓋取諸大壯冕服車輿之制其來  
尚矣虞書舜作十二章五服以命有德車服以賞有  
功禮記虞鸞車夏鉤車商大輅至周損益前代弁師  
掌王之五冕巾車掌王之五輅而儀文始備然孔子  
論治天下之大法於殷輅取其質而得中周冕取其

文而得中也至秦併天下兼收六國車旗服御窮極侈靡有大駕法駕以及鹵簿漢承秦後多因其舊由唐及宋亦效秦法以為盛典於文質適中之義君子或得而議焉元初立國庶事草創冠服車輿並從舊俗世祖混一天下近取金宋遠法漢唐至英宗親祀太廟復置鹵簿今攷之當時上而天子之冕服皇太子冠服天子之質孫天子之五輅與腰輿象轎以及儀衛隊伏下而百官祭服朝服與百官之質孫以及於士庶人之服色粲然其有章秩然其有序大抵參酌古今隨時損益兼存國制用脩儀文於是朝廷之

盛宗廟之美百官之富有以成一代之制作矣作輿服志而儀衛附見于後云

冕服

天子冕服衮冕制以漆紗上覆曰緹青表朱裏緹之四周匝以雲龍冠之口圍縈以珍珠緹之前後旒各十二以珍珠為之緹之左右繫黹纁二繫以玄統承以玉瑱纁色黃絡以珠冠之周圍珠雲龍網結通翠柳調珠緹上橫天河帶一左右至地珠鈿窠網結翠柳朱絲組二屬諸笄為纓絡以翠柳調珠簪以玉為之橫貫於冠○衮龍服制以青羅飾以生色銷金帝星



一日一月一昇龍四複身龍四山三十八火四十八  
華蟲四十八虎雖四十八○裳制以緋羅其狀如裙  
飾以文繡凡一十六行每行藻二粉米一黼二黻二  
○中單制以白紗絳緣黃勒帛副之○蔽膝制以緋  
羅有標緋綃為裏其形如檐袍上着之繡複身龍○  
玉佩珩一琚一瑀一衝牙一璜二衝牙以繫璜珩下  
有銀獸面塗以黃金雙璜夾之次又有衡下有衝牙  
傍別施雙的以鳴用玉○大帶制以緋白二色羅合  
縫為之○玉環綬制以納石失金錦也上有三小玉環  
下有青絲織網○紅羅韡制以紅羅為之高鞞○履

制以納石失有雙耳二帶鉤飾以珠○韞制以紅綾  
右按太常集禮至元十二年十一月博士議擬冕  
天版長一尺六寸廣八寸前高八寸五分後高九  
寸五分身圍一尺八寸三分并納言用青羅爲表  
紅羅爲裏周迴緣以黃金天板下四面珠網結子  
花素墜子前後共二十有四旒以珎珠爲之青碧  
線織天河帶兩頭各有珎珠金翠旒三節玉滴子  
節花全紅線組帶二上有珎珠金翠旒玉滴子下  
有金鐸二梅紅繡款幔帶一黹纁二珎珠垂繫上  
用金萼子二簪窠款幔組帶鈿窠各二內組帶窠

四並鏤玉爲之玉簪一頂面鏤雲龍衮衣用青羅  
夾製五采間金繪日月星辰山龍華蟲宗彝正  
日一月一升龍四山十二上下襟華蟲火各六對  
虎雖各闕對背星一升龍四山十二華蟲火各十  
二對虎雖各六對中單用白羅單製羅領標襖裳  
一帶標襖全紅羅八幅夾造上繡藻粉米黼黻藻  
三十三粉米十六黼三十二黻三十二救膝一帶  
標襖紅羅夾造八幅上繡升龍二綬一幅六采織  
造紅羅托裏小綬三色同大綬銷金黃羅綬頭全  
上間施三玉環並碾雲龍緋白大帶一銷金黃帶

頭鈿窠二十有四紅羅勒帛一青羅抹帶一佩二  
玉上中下璜各一半月各二並碾玉爲雲龍文玉  
滴子各二並玳瑁珠穿造金篋鈎獸面水葉環釘全  
涼帶一紅羅裏鏤金爲之上爲玉鶯七撻尾束各  
一金攀龍口玳瑁觀釘馬一重底紅羅面白綾托  
裏如意頭銷金黃羅緣口玉鼻人飾以玳瑁珠金緋  
羅錦襪一兩○大德十一年九月博士議唐制天  
子衮冕垂白珠十有二旒以組爲纓色如其綬黼  
纁充耳玉簪導玄衣纁裳凡十二章八章在衣日  
月星辰山龍華蟲火宗彝四章在裳藻粉米黼黻



標領爲升龍皆織成之龍章以下每章一行每行  
十二白紗中單黼領青標襪裾黻加龍山火三章  
毳冕以上火山二章繡冕山一章玄冕無章革帶  
大帶玉佩綬襪與上同馬加金飾享廟謁廟及朝  
遣上將征還飲至踐祚加元服納后元日受朝及  
臨軒冊拜王公則服之又宋制天子服有袞冕廣  
尺二寸長四寸前後十有二旒二纓並貫珎珠又  
有珠旒十二碧鳳銜之在珠旒外冕板以龍鱗錦  
表上綴玉爲七星傍施琥珀餅犀各二十四周綴  
金絲網鈿以珎珠雜寶玉加紫雲白鶴錦裏四柱

飾以七寶紅綾裏金飾玉簪導紅絲條組帶亦謂  
之平天冠衮服青色日月星山龍雉虎雖七章紅  
裙藻火粉米黼黻五章紅蔽膝升龍二並織成間  
以雲彩飾以金釵花鈿窠裝以珍珠琥珀雜寶玉  
紅羅襦裙繡五章青標褱裾六采綬一小綬三結  
三玉環三素大帶朱裏青羅四紳帶二繡四紳盤  
結綬帶飾並  
同衮服白帶中單青羅袿帶紅羅勒帛鹿盧  
玉具劒玉縹首鏤白玉雙佩金飾貫珍珠金龍鳳  
草帶紅機赤舄金釵花四神玉鼻祭天地宗廟受  
冊尊號元日受朝冊皇太子則服之事未果行至

延祐七年七月英宗命禮儀院使八思吉思傳旨  
令省臣與太常禮儀院速製法服八月中書省會  
集翰林集賢太常禮儀院官講議依秘書監所藏  
前代帝王袞冕法服圖本命有司製如其式  
鎮圭制以玉長一尺二寸有袋副之

皇太子冠服○袞冕○玄衣○纁裳○中單○蔽膝  
○玉佩○大綬○朱韉○赤舄

按太常集禮至元十二年博士擬袞冕制用白珠  
九旒紅絲組爲纓青纁充耳犀簪導青衣朱裳九  
章五章在衣山龍華蟲火宗彝四章在裳藻粉米

黼黻白紗中單青標襪裾革帶塗金銀鈎鑿蔽膝  
隨裳色爲火山二章瑜玉雙佩四采織成大綬間  
施玉環三白韞朱舄舄加金塗銀釵大德十一年  
九月照擬前代制度唐制皇太子袞冕垂白珠九  
旒紅絲組爲纓青纁充耳犀簪導玄衣纁裳九章  
五章在衣龍山華蟲火宗彝四章在裳藻粉米黼  
黻織成之每行一章黼黻重以爲等每行九白紗  
中單黼領青標襪裾革帶金鈎鑿大帶蔽膝隨裳  
色火山二章玉具劍金寶飾玉纁首瑜玉雙佩朱  
組帶大綬四采赤白纁紺純朱質長丈八尺首廣



九寸小雙綬長二尺六寸色同大綬而首半之間  
施玉環三朱轆赤舄加金飾侍從祭祀及謁廟加  
元服納妃服之宋制皇太子衮冕垂白珠九旒紅  
絲組爲纓青纁充耳犀簪導青衣朱裳九章五章  
在衣山龍華蟲火宗彝四章在裳藻粉米黼黻白  
紗中單青標襪裾革帶塗金銀鈎黼蔽膝隨裳衣  
火山二章瑜玉雙佩四采織成大綬間施玉環三  
白轆朱舄舄加塗金銀飾加元服從祀受冊謁廟  
朝會服之已擬其制未果造

三獻官及司徒大禮使祭服○籠巾貂蟬冠五青羅

服五

領袖欄俱用皂綾

紅羅裙五

皂綾為欄

紅羅蔽膝五

其羅花樣俱係

牡丹

白紗中單五

黃綾帶

紅組金綬紳五

紅組金譯語曰納石失各佩玉

二環

象笏五銀束帶五玉佩五白羅方心曲領五赤草

履五對白綾鞵五對

助奠以下諸執事官冠服○貂蟬冠獬豸冠七梁冠

六梁冠五梁冠四梁冠三梁冠二梁冠二百青羅服

二百

領袖欄俱用皂綾

紅綾裙二百

皂綾為欄

紅羅蔽膝二百紫

羅公服二百

用梅花羅

白紗中單二百

黃綾帶

織金綬紳二

百

紅一百九十八青二各佩銅環

銅束帶二百白羅方心曲領二

百銅佩二百展角幘頭二百塗金荔枝帶三十烏角

帶一百七十皂鞞二百對赤革履二百對白綾鞞二百對象笏三十銀杏木笏一百七十

凡獻官諸執事行禮俱衣法服惟監察御史二冠獬豸服青綬凡迎香讀祝及祀日遇陰雨俱衣紫羅公服六品以下皆得借紫

都監庫祠祭局儀鸞局神厨局頭目長行人等○交角幘頭五十窄袖紫羅服五十塗金束帶五十皂鞞五十對

初憲宗壬子年秋八月祭天于日月山用冕服自此始成宗大德六年春三月祭天于麗正門外丙

地命獻官以下諸執事各具公服行禮是時大都  
未有郊壇大禮用公服自此始九年冬至祭享用  
冠服依宗廟見用者製其後節次祭祀或合祀天  
地增配位從祀獻攝職事續置冠服於法服庫收  
掌法服二百九十有九公服二百八十窄紫二百  
九十有五至大間太常博士李之紹王天祐疏陳  
親祀冕無旒服大裘而加袞裘以黑羔皮爲之臣  
下從祀冠服歷代所尚其制不同集議得依宗廟  
見用冠服制度

社稷祭服。青羅袍一百二十三白紗中單一百二

十三紅梅花羅裙一百二十三藍織錦銅環綬紳二  
紅織錦銅環綬紳一百一十七紅織錦玉環綬紳四  
紅梅花羅蔽膝一百二十三革履一百二十三白綾  
襪一百二十三白羅方心曲領一百二十三黃綾帶  
一百二十三佩一百二十三銅珩璜者一百一十九  
玉珩璜者四藍素紵絲帶一百二十三銀帶四銅帶  
一百一十九冠一百二十三水角簪金梁冠一百七  
紗冠一十獬豸冠二籠巾紗冠四木笏一百二十三  
紫羅公服一百二十三黑漆幘頭一百二十三展角  
全二色羅挿領一百二十三鍍金銅荔枝帶一十角